

孫公問三教

儒門釋戶道相通三教從來一祖風悟徹便令知出入曉明應
許覺寬洪精神氣候誰能比日月星辰自可同達理識文清淨
得晴空上面觀虛空

任公問本性

如金如玉又如珠兀兀騰騰五色鋪萬道光明俱未顯一團塵
垢盡皆塗頻頻洗滌分圓相細細磨指現本初不滅不生閒朗
耀方知卻得舊規模

木魚

無腹無心掛殿庭箇人敲擊響瑤珞種成因果能招飯喚起僧

道藏輯要

重陽全真集

七 上胃集一

尼使念經水難不容垂餌線火災猶未脫身形忽朝月夜清風
至吹斷攀緣一任馨

詠慵

自哂踈慵號可勤夢中因筆記良因與人還禮甯開口見飯懷
饑不動唇紙襖麻衣長蓋體蓬頭垢面永全真一眠九載方迴
轉由恐勞勞暗損神

鐘

取像西風鑄作形空中懸起顯身榮八十一下陽爻數一百八
敲陰德名遂使道家分子午亦令釋子辨虛盈傍人若肯長爲
力便是能明自己聲